



Titular

Pontevedra

O de Pontevedra será o primeiro campus de España que compostará todos os seus biorresiduos

Por Redacción
hai 2 horas

O campus de Pontevedra comeza a compostar todos os seus biorresiduos a partir desta semana. Será o primeiro campus de España que asume o tratamento de todos os seus residuos orgánicos asumindo a necesidade da reutilización, devolvendo ao ciclo vital este tipo de restos. A estimación é que trate arredor de 50 toneladas ao ano.

A finais do mes pasado comezaba a instalación dun **segundo centro de compostaxe no campus** xunto ao estacionamento da escola de Forestais (fronte ao campo de herba sintética da Xunqueira). Ademais da instalación da base do composteiro e do punto de auga, colocáronse seis módulos para o tratamento do compost.

1. Quen redacta a noticia?
2. Que características ten o titular da noticia?
3. Ten antetítulo ou subtítulo?
4. Ten entrada?
5. Contén o corpo da noticia a resposta aos 6W? Cales son esas respostas?
6. En cantos parágrafos se divide o corpo da noticia? Cal é a idea principal de cada un deles?
7. Esta noticia é obxectiva ou subxectiva? Ofrece información ou opinión?
8. En que persoa gramatical está redactado o corpo da noticia?
9. Que tempo verbal é o máis empregado?
10. Que tipo de oracións son as máis usadas?

Na actualidade o campus universitario dispón dun centro entre as escolas de Ciencias Sociais e de Forestais. Ten dez módulos e composta arredor de 200 comidas da cafetería de Ciencias Sociais e 80 comidas da Escola de Forestais.

Co paso dos meses e a retirada do compost, comprobouse que día a día o proceso dos orgánicos demostrou que **teñen un tempo de tratamento menor do previsto**, polo que se considerou que era preciso un novo centro de compostaxe. De aí, a instalación do novo para atender á escola de Forestais. Polo tanto, o novo centro de compostaxe atenderá soamente a Forestais, e o primeiro só á Facultade de Ciencias Sociais.

Nos tres primeiros meses de funcionamento do composteiro do campus recolléronse cinco toneladas de biorresiduos. Segundo os técnicos, o compost xerado na Xunqueira é de **moi boa calidade**, carece de materiais pesados e ten un índice de nitróxeno biolóxico que ten chegado ao 7% (para facer compost de calidade agárdanse cifras do 2%).

A instalación do novo centro de compostaxe en Forestais é un compromiso do Concello de Pontevedra co campus universitario dada que a produción do composteiro actual ten un **rendemento superior ao agardado**.

<http://pontevedraviva.com/xeral/43029/pontevedra-primero-campus-espana-compostara-todos-biorresiduos/>

